



## **Nganawa mu likuga lyangu mundu jumpaka akamulisye masengo ijuni pakulotela yambone kapena yakusakala kapena kumtenda jwine kuti amlotele yeleyo, kapena mundu jwakusajaula kwa bimbi kapena kwatuma wane kuti wajaulile, kapena jwakitenda ya usawi kapena kwatenda wane watendele**

Ngani jikupitila kwa Imran mwanache jwa Husain-Mlungu asangalaidwe nawo -wawatite kuti: Mtume jwa Mlungu -chanasa ni utendele wa Mlungu iwe pa jwelejo- wawechete kuti: "Nganawa mu likuga lyangu mundu jumpaka akamulisye masengo ijuni pakulotela yambone kapena yakusakala kapena kumtenda jwine kuti amlotele yeleyo, kapena mundu jwakusajaula kwa bimbi kapena kwatuma wane kuti wajaulile, kapena jwakitenda ya usawi kapena kwatenda wane watendele, mundu jumpaka atawe ilumbo, ni mundu jumpaka ajaule kwa bimbi nikumkulupilila yakuwecheta, nikuti akanile ikandu yayatulusidwe kwa Muhammad -chanasa ni utendele wa Mlungu iwe pa jwelejo".

[حسن] [رواه البزار]

Mtume-chanasa ni utendele wa Mlungu iwe pa jwelejo-wamjogisye mundu jwalijose jwa mwikuga lyakwe jumpaka atende ikachindu ine pakuwecheta kuti: "nganawa jumo mwetuwe", mu ine mwa ikanduyo ni: Chandanda: "Mundu jumpaka akamulisye guluka kwa ijuni pakusala ya upile kapena likungu". ndando ja chele chikulupichi ni janti: wandu chisilamu mkanichiwiche, wachigulusyaga chijuni naga akusaka kwenda ulendo kapena kutenda geni kapena ine yangawa yeleyi, naga chijunicho chiguluchile mbali jakumlyo, mundu wapelenganyaga kutenda yakusaka. Nambo naga chiguluchile mbali jaku mpoto, waonaga kuti kwana makungu ni walekaga kutenda yasosileje. Ayi yangakundisidwa kutenda ugwejo jikape kapena kumtenda jwine atende. Mteto wakulotela yakusakalawu mukwinjilamo chine chilichose chakupikana kapena kulola, sawu ijuni, inyama, wandu wakwete ilosyo yapadela sawu kulemala kwa iwalo, kapena kamulisya masengo manambala kapena masiku ni ine yakulekangana. Chawili: "mundu jumpaka ajaule ku chisango kapena kutendeledwa chisango". Mundu jumpaka ajile kuti akusamanyilila yakusisika pakamulisya masengo ndondwa kapena ikachindu ine iliyose, kapena kwaula kwa mundu jwakusalitenda kuti akusamanyilila yakusisika sawu abimbi ni wane wakutenda yakulandana ni abimbiwo, nikumkulupilila yakuwecheta yakwe pakulitenda kuti akusamanyilila yakusisika, ni kuti jwelejo akanile mu ikandu yayatumisidwe kwa Muhammad -chanasa ni utendele wa Mlungu

iwe pa jwelejo. Chatatu: "mundu jumpaka atende ya usawi kapena kumtuma jwine kuti amtendele ya usawi". Jwele ni mundu jwakusatenda ya usawi msyenejo kapena kumtuma mundu jwine kuti amtendele ya usawi; kuti imkamuchisye kapena kumpa ilagasyo mundu jwine, kapena kulumbikanya ilisi pakulumbikanya ulusi nikutenda ya usawi yasatendayo nikuwalangaga ikandu yakusawalanga pa yatesileyo mu ikandu yaili yelekasidwe ni kupepelelaga aku anamkuikolanjila yakusaka kuti itendekweyo.

<https://www.sunnah.global/hadeeth/yao/show/5981>

النجاة الخيرية  
ALNAJAT CHARITY

